



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

Nvm. 3. Qualitas Campaniæ.

urn:nbn:de:hbz:466:1-13120

NVM. 2. *De incolis Campanie.*

CAMPANI origine sunt Samnites, sed ab hoc nomine recesserunt, inquit Strabo: qui addit hanc regionem quondam fuisse Ausonum, & Opicorum; Cumanos etiam eò appulisse ex Chalcide, item & Tuscos qui 12. vrbes condiderunt, quorum erat caput Capua. Hos autem mollitie diffluentes, & luxu electos esse à Samnitibus. Porro Campanorum nomen adscierunt sibi Samnites illi, ut ait Liuius V. C. 332. vt auctor Olympiadum Olym. 85. an. 3. Igitur V. C. 315. quod sequenti anno factum esse putat Diodorus Siculus. Quomodo autem illi populi pro Dionysio Siciliæ Tyranno militarint, & occuparint perfidè vrbes aliquas, ex eodem Diodoro edisces.

NVM. 3. *Qualitas Campanie.*

AGER hic omnium fertilissimus Straboni πεδίον εὐδαιμονίατος; Polybio nobilissimus ager Italæ καὶ Ἀφρικὴν ἀπέτιν, καὶ τὸ χείλος ob amoenitatem, & pulchritudinem, quod etiam ait Liuius. Apud Tullium ager Campanus dicitur Romanis annonæ perfugium. De eius fertilitate multa Strabo lib. 5. & Dionys. lib. 1. Vnguentum Campanæ post Ægyptiaca famosissima sunt Plinio, quare Capuæ vicus Seplasæ vnguentariorum. Ideo in hoc agro delitiis emolitus Annibal ac tandem fractus est, ut ait Seneca.

NVM. 4. *Fines Campanie.*

OLIM Campania dirimebatur ab agro Falerno per Vulturenum Fl. Sed cum Romani hac regione potiti essent, voluerunt Lirim Fl. esse communem Latij, atque Campanæ terminum, sic tamen ut quædam Latij vrbes, & loca limitem illum transcenderent.

FINES ergo hi vulgo statuuntur: ab Occidente linea ducta à Sinuessa Bagni, per montem Massicum Monte Dragone ad Apenninum, quā disiungitur à Latio; præterea Vultureno Fl. separatur à Samnio; item ab eodem à Septentrione Apennini exiguae parte Caudinisque montibus dispegitur; ab Oriente Hirpinis connectitur; à Meridie denique mari Infero alluebatur, cuius tractus partem Picentini obtinuerunt.